

شرابي: "منك لله يا ريس مرسي" حبيتنا فيك وكرهتنا في العيشة من بعدك"



الخميس 16 يوليو 2015 12:07 م

نافذة مصر:

بعث المستشار وليد شرابي رسالة إلى الرئيس محمد مرسي عبر صفحته الشخصية بموقع التواصل الاجتماعي فيس بوك بعنوان "منك لله يا ريس مرسي".

وعدد شرابي في رسالته الكثير من أعمال الرئيس مرسي التي تظهر مدى اخلاصه وتفانيه في عمله، ومحاولاته للنهوض بمصر وجعلها في مصاف الدول الكبرى

وختم رسالته بإن الله وحده هو من سيجازيك عن ما فعلت، وأن أفعالك تلك قد جعلتك محبوبا في نفوس الكثيرين الذين كرهوا الحياة من بعدك

نص رسالة المستشار شرابي إلى الرئيس مرسي:

منك لله ياريس مرسي

عملت ليه كل ده يا ريس؟ هو انت كنت فاكرك انك في يوم وليلة حتعدل حال البلد المايل ؟ كنت فاكرك انها حتكون بلد رحمة وعدل وخير ؟؟؟!!

انت كنت بتعلم يا ريس ،ومافهمتش الرئاسة الجمهورية في ميدان التحرير وكمان من غير واقفي الرصاص ؟ هو في ريس يبصلي عادي بين الناس ؟ ومين اللي قالك ان عندنا ارادة علشان ننتج غذاءنا ودواءنا وسلاحنا ؟ هو في ريس يعالج أخته في مستشفى حكومة زي بقية خلق الله ؟ وليه يا ريس سيبتها تعاني زي ما بقية شعبك بيعاني في مستشفيات الحكومة لغاية لما ماتت ؟ وليه يا ريس حنيت عالفقير ؟ وليه يا ريس ما مصتش دم الغلبان ؟ ما غلثش ليه الكهرباء والجاز والبنزين زي كل الرؤساء الناجحين ما بيعملوا ؟ حد قالك ان الناس ماكتتش مبسوطه لما الداخلية كانت بتلحق لهم القضايا ؟ وليه تسيب الجيش على الحدود وماتجوش ميدان التحرير ؟ ازاى رئيس جمهورية يروح يفطر في رمضان مع العساكر في سيناء ؟ هو في ريس يعزل وزير دفاع ورئيس أركان علشان شوية عساكر اتقتلوا !!! يا ريس مش كنت تكبر مخك ؟ وكمان رايح تطور في الجيش وتجب له اباتشي من امريكا وغوصات من المانيا !!! ومين اللي قالك تحن على الغلابة ؟ ومين اللي قالك ان رغييف عيش باسم عودة كان عاجب الشعب ؟ وليه كنت مصمم تزرع القمح ؟ وليه راضيت الفلاحين الي زرعوه ؟ هو انت فاكرك لما الفقراء في عهدك ياكلوا مانجه ان الناس حتكون مبسوطه ؟ هو كان لازم يعني ياريس ننتج في عهدك تابلت مصري ؟ طب قوللي ليه كنت عايز تحافظ على البنات ؟ وعرفت منين ان الفساد ماوحش الشعب ؟ كان لازم يعني تاخذ ضرايب من اللي نهبوا ثروات البلد ؟ مش كنت تاخذ بالك ان اثيوبيا لما تمنع عنا مائة النيل مش لازم تكون دماغنا هي البديل ؟ وليه ماسبتش غازنا لليونان ؟ هو في حد عايز يبقي ريس يصلي على النبي في الامم المتحدة ؟ طب ازاى مدحت الصحافة في طهران ؟ فكرك يعني حتبقى بطل لما تحبب الصحافة المصرية المعتقلة في السودان معاك على طيارة الرئاسة ؟ هو في ريس غيرك حكم مصر وما حبسش الصحفيين اللي بيعارضوه ؟ وازاي ما قفلتشن القنوات اللي بتهاجمك ؟ وهو مين غيرك نصر غرة في حربها مع اسرائيل ؟ وليه كنت فاتح البلد للسوريين اللي بيتهم اتهدت والحرب شردهم ؟ وليه حررت الأسرى المسيحيين اللي اسروا في ليبيا ؟ لكن ازاى عرفت تعمل كل ده في سنة ؟هو انت صحيح كنت ريس ضعيف ؟ طب ليه حكموا عليك بالمؤبد في استعراض القوة ؟ وليه ابتسمت وانت محكوم عليك بالاعدام ؟ هو انت شايف يا ريس ان طريقة حكمك وحياتك دي طبيعية ؟ روح ياريس منك لله !!!

منك لله على اللي عملته معانا لان هو الوحيد اللي يقدر يعوضك عن اللي شفته منا وبسببنا

منك لله ياريس علشان خلّيت الشعب يحبك، وكرهتنا في العيشة بعدك